



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2188-35/25– JH/SA  
Tuzla, 19.06.2026. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za provođenje postupka ugovaranja pružanja deficitarnih usluga za 2026. godinu – LOT 1 - ERCP, iz Zapisnika o pregledu i ocjeni ponuda broj: 03-11-1-2188-33/25 - JH/SA od 19.06.2026.godine, donosi se

**O D L U K A**  
**o izboru ponuđača**  
**u postupku ugovaranja pružanja deficitarnih usluga za 2026. godinu –**  
**LOT 1 - ERCP**

**I**

Cijeneći Preporuku Komisije, u postupku ugovaranja pružanja deficitarnih usluga za 2026. godinu LOT 1 - Pružanje deficitarnih usluga za 2026.godinu – Endoskopska retrogradna holangiopankreatografija - ERCP, biraju se sljedeći ponuđači:

- PZU Opća i specijalna bolnica „Plava medical group“, Tuzla
- ZU Specijalna bolnica Centar za srce.

**II**

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu ("Službeni novine TK" broj: 17/25).

**III**

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje ugovora i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, ovaj Ugovorni organ će sa izabranim ponuđačima zaključiti Okvirne sporazume o pružanju deficitarnih usluga za 2026. godinu – LOT 1 - ERCP.

**IV**

U skladu sa članom 70. stav (6) Zakona o javnim nabavkama, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

**V**

Ova Odluka stupa na snagu danom donošenja.

## OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH" broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godine („Službene novine TK“ broj: 17/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-17039/26 od 26.05.2026. godine, dana 03.06.2026. godine objavljen je Javni poziv za dostavu ponuda za dodjelu ugovora za pružanje deficitarnih usluga za 2026. godinu broj: 03-11-1-2188-25/25 – SB/SA.

Predmet nabavke za LOT 1 su deficitarne usluge – Endoskopska retrogradna holangiopankreatografija – ERCP.

Ponude za pružanje deficitarnih usluga za 2026. godinu – LOT 1 - ERCP su do utvrđenog krajnjeg roka dostavili slijedeći ponuđači:

- ZSU Poliklinika "Vitalis" Mostar
- PZU Opća i specijalna bolnica „Plava medical group“ Tuzla
- ZU Specijalna bolnica Centar za srce.

Uvidom u navedene ponude utvrđeno je slijedeće:

- ZSU Poliklinika "Vitalis" Mostar - ponuda nije prihvatljiva

Tačkom 4. Javnog poziva za dostavu ponuda za dodjelu ugovora za pružanje deficitarnih usluga za 2026. godinu u okviru opštih uslova tačka a), traženo je da se kao dokaz o ispunjavanju propisanih uslova u pogledu kadra, prostora i opreme, odnosno o ispunjavanju i drugih zakonom propisanih uslova za obavljanje odobrene djelatnosti koja obuhvata usluge iz predmeta nabavke za koje se dostavlja ponuda dostavi Rješenje/Odobrenje nadležnog ministarstva zdravstva da ispunjavaju naprijed navedeno.

Uvidom u dostavljenu ponudu, utvrđeno je da je ponuđač dostavio Rješenje doneseno od strane nadležnog kantonalnog ministarstva o ispunjavanju propisanih uvjeta prostora, opreme i kadra za obavljanje zdravstvene djelatnosti iz pojedinih oblasti. S obzirom da usluga koja je predmet nabavke pripada nivou tercijarne zdravstvene zaštite, te da ponuđač u skladu sa odredbama Pravilnika o uvjetima prostora, opreme i kadra, kao i primijenjenih tehnologija koje moraju ispunjavati zdravstvene ustanove koje obavljaju najsloženije oblike specijalističko-konsultativne i bolničke zdravstvene djelatnosti na tercijarnom nivou zdravstvene zaštite ("Službene novine FBiH" broj 93/13) nije dostavio dokaz o ispunjenosti uvjeta prostora, opreme, kadra i tehnologija za obavljanje djelatnosti na tercijarnom nivou, Komisija je konstatovala da ponuda ZSU Poliklinika "Vitalis" Mostar nije prihvatljiva.

- PZU Opća i specijalna bolnica „Plava medical group“ Tuzla - ponuda ocjenjena kao prihvatljiva
- ZU Specijalna bolnica Centar za srce - ponuda ocjenjena kao prihvatljiva.

Uvidom u dostavljene ponude utvrđeno je da su ponuđene cijene predmetnih usluga/BO dana od strane svih ponuđača usklađene s maksimalnim cijenama utvrđenim Odlukom Upravnog odbora Zavoda.

U skladu sa navedenim, Komisija je sačinila Zapisnik o pregledu i ocjeni ponuda broj: 03-11-1-2188-33/25 - JH/SA od 19.06.2026.godine u kojem je dala preporuku Ugovornom organu da se Ugovor/Okvirni sporazum dodijeli ponuđačima PZU Opća i specijalna bolnica „Plava medical group“ Tuzla i ZU Specijalna bolnica Centar za srce.

Maksimalna utvrđena cijena po kojoj će se vršiti realizacija Ugovora/Okvirnog sporazuma, u skladu sa Odlukom Upravnog odbora Zavoda iznosi:

- ERCP dijagnostički sa uključenom anestezijom..... 700,00 KM
- sfinkterotomija ..... 200,00 KM
- ekstrakcija kamena ..... 600,00 KM
- plasiranje stenta ..... 850,00 KM

Maksimalne cijene po kojima će se vršiti realizacija BO dana u okviru pružanja usluga Endoskopska retrogradna holangiopankreatografija – ERCP, su utvrđene u sljedećim iznosima:

- standardna njega 119,20 KM,
- poluintenzivna njega 160,00 KM,
- intenzivna njega 187,20 KM.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema.

#### **Dostavljeno:**

1. Ponuđačima (e-mail)
2. a/a



**DIREKTOR**

**Doc.dr.sc. Denis Husić, dipl. pravnik**